

'ի զարդարանաց, և հրովարտակն ձեր պարունակէ զգործ շինութեան, և ոչ մի իր ոք ունի յարարերութիւն ընդ գործոյն Բեթղեհէմի, միայն խնդիր ձեր այս է՝ որոյ ըզհետ մտեալ էք, որովհետեւ ջնջեալ են հրովարտակք Հայոց, նոցին իմաստիւք շինեալքն ևս խափանեալ են, ուստի քակտեսցին և աւերեսցին, և տեղին դարձցի 'ի վիճակն առաջին, եթէ կամք ձեր և տենչանք այս էր, ընդէ՞ր ոչ այդպէս գրեցիք առ Հիւսպատոսն, այլ՝ այլ իմն եղանակաւ ծանուցիք զգործն, պարտ է ծանուցանել զպատճառն՝ զի արձանագրեսցի:

Փոխանորդն Յունաց ասէ. Բողոք և իսկական պահանջք մեր առ Հիւսպատոսն՝ համաձայն է պատմութեան մերում, որ արձանագրեցաւ. իսկ գանկատն զՀամոռուլլահ Դատաւորէն՝ որ ոչ գործագրեաց զհրովարտակն մեր, այսինքն ոչ կործանեաց զշինուածսն, և Հիւսպատոսն այնպէս խնայեալ է թէ՝ բովանդակ եղեալ իրքն ձեռամբ նորին՝ և 'ի չգործագրելոյ զհրովարտակն յաջողեալ է, եւ ինքն եւս այնպէս գրեալ: Սակայն մեք 'ի նամակին գրեալ խնդրեցաք զկործանումն շինուածոց, և դարձումն 'ի վիճակն առաջին, եւ այժմ յայտնի եղեւ ճշմարտութիւնն առաջի ձեր. և եղեալքն յեկեղեցին Բեթղեհէմի առանց հրովարտակի և Հէօճէթի է, և միայն յեցեալ 'ի հրովարտակն բաժանորդութեան արարեալ են. շինութիւնք լերին Ձիթենեաց հակառակ են հրովարտակաց, և նոքա եւս ջնջեալ՝ զօրութիւնքն խափանեալ են, ուստի խնդրեմք զկործանումն նոցին, և այսպէս գրեալ եմք առ Հիւսպատոսն, (1838):

Ջարձանագրութիւն դատաստանական վիճաբանութեանս թարգմանեալ 'ի Տաճիկ բարբառոյ եղաւ 'ի կարգի պատմութեանս:

